



DISSERTATIO MEDICA,

INAUGURALIS,

DE

LEUCORRHOEA.





DISSERTATIO MEDICA,
INAUGURALIS, 10

DE

LEUCORRHOEA.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

GEORGIUS KEATING,

HIBERNUS,

Soc. Phys. Edin. Sod.


Ad diem 12. Septembris, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,LXXX.



Viro eximio,

FRANCISCO LOYD,

LIMERICENSI,

Artis Medicae peritia,

Priscaque vitae integritate conspicuo;

Ob plurima beneficia, tum ægrotantem, tum valentem,

In se collata;

Nec non,

RICARDO RYAN,

Juris Legumque imprimis perito;

Et

GULIELMO RYAN, M.D.

Cognatis; et tam pueritia quam provectiori aetate,

Sociis carissimis,

Et peregrinationibus variis olim sodalibus dilectis;

Hocce opusculum, quaecunque sit,

In perfectum amicitiae testimonium,

D. D. C q.

GEORGIUS KEATING.

Y^r Sister

from his most hum^{ble} serv.

G. Heatm

DISSERTATIO MEDICA,

INAUGURALIS,

DE

LEUCORRHOEA.

CUM muliebre corpus adeo mobile, adeo sit delicatum, ut a causis saepe levissimis graviter afficiatur, operae sane pretium est, morbum amabili sexui molestissimum considerare.

Quamobrem, dissertationem inauguralem scripturus, Leucorrhoeam prae caeteris selegi.

Quum

Quum vero plurimae sint species hujus morbi; nempe, uteri, vaginae, vesicae, et ovariorum: Tamen de illa solummodo specie tractaturus sum, quae oritur ab iisdem vasis quae menses profundunt. Postea tamen conabor notare signa, quibus variae species dignoscantur.

D E F I N I T I O.

Juxta celeberrimum Cullenum, leucorrhoea, sive fluor albus auctorum, est menorrhagia alba, serosa, sine vitio locali, plerumque et fere semper cum menorrhagia conjuncta est; vel eam mox sequitur. Morbosa est enim liquidorum a sanguine rubro diversorum effusio, ab iisdem vasis quae menses profundunt. Quam ab iisdem causis ac menorrhagiam rubram oriri, satis verisimile est.

HISTO-

HISTORIA.

Hic morbus foeminas invadit, eo praefertim tempore, quo menses primum erumpunt. Vix ulla tamen aetas ab eo immunis. Puellas impuberes, et foeminas annis provectas, infestat; a viris enim fide dignissimis notatum est, circa quadragesimum quintum aetatis annum, leucorrhoeam saepius invadere. Nec mirum, quum tam insigniter muliebne corpus tunc mutetur.

Licet omni tempestate, omnique sub coelo, adoriatur hicce morbus; tamen per autumnum, et in regionibus humidis, eisdem magis obnoxiae sunt mulieres.

Quod temperamenta spectat, certum nihil statui potest. Quum nulla sit corporis dispositio, quam non aliquo tempore
 B invadere

invadere possit; veri tamen simile est, cachecticas, laxas, molles, phlegmaticas, leucorrhoea praesertim vexari.

Huic morbo maxime sunt obnoxiae quae aut menorrhagia, aut amenorrhoea laborant: Neque injuria. Forsan mulieres habitu plethorico, valde sentiente, haemorrhagio donatas, his adnumeraveris. His consideratis, ad ipsa morbi signa adveniamus. Scriptores medici duas species hujus morbi descripserunt. Unam continuam, nempe, et alteram periodicam, quam pro parte tantum fluxus naturalis menstrui habent.

Morbi initio, nisi violentus sit, nullo fere dolore afficitur aegra.

Hoffmannus ille accuratissimus, non virgines tantum, sed et nuptas etiam, per annos plures, albo fluore, sine damno sanitatis notabili, laborasse, asserit.

Materies

Materies alba primum, aut albescens, in viridem, fuscam, aut nigram, si morbus diu perduraverit, immutatur. Sed, si leucorrhoeae superveniat icterus, tunc humor effusus colorem flavum saepe adipiscitur, teste celeberrimo Home. Operae tamen pretium est observare, insignes has colorum varietates, in fungosis, ulcerosis, schirrosis, cancroisive uteri affectionibus, saepius quam in leucorrhoea, locum habere.

Inde patet ratio, quare notaverint scriptores, inflammationes excoriationesque exquisitissimas hunc morbum interdum comitari. Liquida enim uterina, quae natura mitia sunt, mordaciter acria fiunt, omnia erodunt, hocque modo signa jamjam memorata producant.

Haecenus enim de affectionibus tantum utero propriis diximus; at alii sunt aliis visceribus peculiare ab utero affecto ortae, et quaedam profecto quae universum corpus

pus afficiunt : Quas inter imprimis notari merentur ventriculi et respirationis male habentium symptomata.

Quod ad ventriculum laesum spectat, symptomata eadem fere sunt ac in dyspepsia, anorexia scilicet, nausea, ructus acidī, inflatio, alvus plerumque astricta. Quod ad respirationem attinet, haec plurimum turbatur, ita ut a motu vel levissimo vehementer anhelant aegrotae. Halitus quoque oris ita foetet nonnunquam, ut aegram fugiant cognati, amici, servi, maritus, neque ipsa se aegra ferre possit *.

Ad congestiones praesertim oculorum valde proclives sunt foeminae, in hoc morbo. Urgent praeterea continui in coxis ac dorso dolores ; qui gravativo sensu flupati ad uterum quoque perveniunt. Non minus crebra mingendi cupiditas, licet parum bibatur, vexat ; et urina mox parca quantitate,
sub

* Hoffinan.

sub magnis conatibus, mox vero majori, quam liquida assumuntur, copia mitti observatur; molestis porro flatulentis adfiguntur, nocturnosque patiuntur sudores, absque tamen virium collapsu *.

Haec tamen levia, prae iis quae infelicem aliquando torquent malis.

Neque tacenda sunt symptomata ab Hoffmanno saepe memorata, ingens nempe totius corporis debilitas, pallor universus, torpor, crurum oedema, lumborum dolor, cordis palpitatio, animi deliquia, et, nisi artis auxilia intervenerint, febris hectica haec symptomata excipiet, et mors malorum omnium finem faciet.

S E D E S

* Hoffman. tom. 4. p. 296.

SEDES MORBI.

De fonte hujus morbi inter se dissentiunt auctores ; nonnulli duas notaverunt fluoris albi species, uteri, nempe, et vaginae. Tamen, quum Culleni sententiam amplector, de praedicta solummodo leucorrhoeae specie differam, (nempe de illa quae oritur ex finibus arteriarum exhalantium.) Alias et uteri, et vaginae, et ovariorum affectiones, album profluvium producentes, nec non effluvia e renibus et vesica urinaria, omitto. Et jure quidem in praeceptoris sententiam abeo ; ut caeteras enim rationes, pro hac militantes, taceam ; quid quaeso efficit ut quae mulieres lochiorum et mensium effusionibus praecipue obnoxiae sunt, eadem quoque leucorrhoea infestantur, nisi quod omnes hi fluxus ex eodem fonte oriantur ?

DIAGNOSIS

D I A G N O S I S.

Leucorrhoeam inter et gonorrhoeam virulentam discrimen accurate notare, haud facile est, praesertim quum oritur a cathartics nimis large adhibitis. Sed, quum non eadem exigant remedia, eas pro viribus distinguamus necesse est.

Subito et rapide progrediuntur gonorrhoeae symptomata : Lento quasi pede leucorrhoea incedit. In priori, qui initio albicat color, nunc in flavum aut viridem cito transit ; nunc in tabem sanguinolentam vertitur. In posteriori autem, coloris mutatio et materiae acrimonia lentius augentur. Ardor urinae in gonorrhoea fere semper adest, in leucorrhoea plerumque deest. A renum et vesicae ulcerationibus, facile secernitur leucorrhoea. In illis enim non
nisi

non nisi inter mingendum, purulentus effunditur humor ; in hac autem, omni tempore stillicidium manat. Leucorrhoeam a carcinomatibus uteri aut ovariorum facile distinguet, qui tumorem in regione hypogastrica sentiendum, et dolores aegram (utero imprimis presso) vexantes, secum reputabit.

P R O G N O S I S.

Plus est in hoc morbo molestiae plerumque, quam periculi. Cui tamen sedulo prospicere debet medicus ; quia, si diu persistat, alios et quidem gravissimos morbos parere potest.

Si fluor diu jam persistiterit, si neque dolor adfuerit vehemens, neque ulceratio, nec excoriatio, si functiones naturales non multum turbatae, alvus regularis, appetitus non multum prostratus fuerint, si functiones
vitalis

vitales constant, si vigeat juvenus, denique si functiones animales nihil turbentur neque aegra moerore deprimatur: Sperandum est tunc, ut, adhibitis idoneis medicamentis, sanetur.

Si contra morbus diutius duraverit, cancer est jure metuendus: Praecipue si excoriationes, ulcerationesque antea memoratae, per longum temporis intervallum aegram exagitaverint. Si oculi cavi, vultus pallidus, corpus totum macrum, debilitas ingens, diarrhoea, sudor nocturnus, aliud nihil praeter mortem certissimam est expectandum. Hanc autem argumenti partem dimittere nequeo, quin observationem olim ab Hippocrate sapientissimo factam commemorem, mulieres scilicet, albo fluore vexatas, minus esse generationi habiles: Neque obscura est, ni fallor, hujus mali ratio; cum enim abortus a soluto nexu uterum inter et placentam pendeat, liquido patet, ob vasorum debilitatem in hoc morbo, et humidi-

C

tatem

tatem plus justo majorem, levissima causa, hunc nexum solvi, ac abortum fieri posse.

CAUSÆ EXCITANTES.

Redundantia humorum tenuiorum, laxitas vasorum uteri, et omnia quae corpus debilitant, aut fibrarum tonum imminuunt, ad hoc caput referri possunt. Hinc, si uteri substantia, tum fibrae ejus, tum vasa relaxentur et debilitentur, Leucorrhoea oriri potest.

Teste enim Morgagno, interna uteri cavitas pertunditur exiguis hiatibus qui liquorem blandum aquoso-mucosum sudant, ut madida maneat superficies uteri, et impediatur cavitatis concretio. Hinc, si talia uteri vascula nimis laxentur, nimia copia hunc liquorem effundunt. Itidem descensus uteri,

ri,

ri, elongando et comprimendo vasa ejus, hunc morbum producunt. Intentio musculorum dorsi, abortus, nimia venus, aëris frigidi et humidi vicissitudo, victus plenus, et etiam victus aquosus, ingesta spirituosae, ebrietas frequens, nec non ea quae sanguinem majori copia et impetu in vasa uterina impellunt; nempe nifus corporis violentus, emmenagoga, et mercurialia, vehementes corporis succussiones, ictus, aut nimia saltatio, inferiori abdominis parti vis illata, vehementes animi affectus, alvus nimis astricta, inter dejiciendum nifui violento ansam praebens, frigus pedibus admotum, partus frequens, sine infantis lactatione, partus difficiles, et, denique, omnia laxitatem corporis inducentia, lecti nimis molles, qui ideo nimis calefaciunt, et liquores tepidi enervantesque, hypocaustorum usus frequens, fluorem album procreant.

RATIO

RATIO MEDENDI.

Cum antea dixerim, morbum hunc a corporis totius, imprimis autem uteri vasorum laxitate pendere, medendi consilium erit, tonum his reddere astringentibus, interne et externe applicatis; secundo, humores, vel quantum fieri potest, ad uterum ipsum ruentes, alio divertere.

Ad prius consilium apta sunt astringentia remedia, quae duplicis sunt generis, vegetabilis scilicet, et fossilis. Priora posterioribus longe debiliora; sed, quum in hoc morbo alvus plerumque astricta sit, cathartica prius adhibenda sunt, quam ulla dentur astringentia remedia. Multi laudaverunt usum jalappae, propter similitudinem fluidorum in fluore albo ac in hydrope. Sed, me iudice,
rheum

rheum jalappae anteponendum est, propter amaritiam ejus et vim astringentem.

Aloetica intestina tantum ampliora evacuant, nocentque haemorrhoides frequenter producendo. Sulphur fatis idoneum videtur remedium. Et vel hoc, vel oleum ricini, aliis omnibus anteferendum; quoniam mitia sunt, neque intestina irritant. Si ventriculus hoc ferre nequeat, cum quinta tincturae fennae compositae parte misceri debet. Tinctura rhei cum aqua cinnamomi maximo cum commodo usitata fuit.

VEGETABILIA ASTRINGENTIA.

Bistora et tormentilla adhibitae fuere. Peruvianus autem cortex aliis omnibus palmam praeripit. Sed, quum ventriculus corticem rejicit, cum opio misceri debet.

Pulvis

Pulvis cicutae cum fucceſſu uſitatus, praefertim ubi pudenda acrimonia fluoris albi eroſa fuerunt *.

ASTRINGENTIA FOSSILIA.

Plumbea omnia, cum vim non modo aſtringentem, ſed et narcoticam, habeant, caute debent adhiberi.

Chalybeata vi narcotica priorum carent, et aequae ſunt tonica. Omnibus hujus metalli praeparationibus palmam forſan praeripit rubigo, ſeu limatura praeparata, quae facile ſolvitur acido primarum viarum.

Ab aquis mineralibus martialibus hunc morbum ſaepe ſanatum vidi.

Serum aluminofum, aut alumen cum ſanguine draconis, felici ſaepe cum ſucceſſu adhibetur.

Exercitatio

* Home Praelect.

Exercitatio astringens est remedium, quatenus partes solidas firmat, roborat, densatque, particulis scilicet earum probe compressis, et tenuioribus aut aquosis expressis, aut exhalatis. Gestatio ambulationi anteponenda est, quia aegram minus fatigat. Idonea igitur exercitatio, dietae regimen aptum, balneum frigidum, frigoris applicatio prope partem laborantem, inter efficaciora habenda sunt medicamenta.

Prudentia in his remediis adhibendis opus semper est: Si adsit aliqua pulmonum morbosa affectio, vitanda sunt cortex Peruvianus et balneum frigidum. Inter omnia, exercitatio lenis in aëre sicco et sereno, ubi mens negotio aliquo jucundo occupata est, maxime prodest.

Testacea fuere commendata. Vidi ipse mulierem in Nosocomio Edinensi, quae per tres annos hoc morbo laborasset, sanatam aquae calcis usu per octo dies.

2do, Astringentia utero applicata.

Fumigatio uteri gummi mastiche, et, quando dolor maximus adest, injectio decocti feminis lini cum opio, levamen attulerunt.

Cum tamen ab his gangraena, cancer, multaque alia mala metuenda sint; summa in his adhibendis prudentia, et circumspeditione semper opus erit.

3tio, Fluida in uterum ruentia alio aver-
tendo.

Si ab amenorrhoea proficiscatur malum, venaesectio proderit. Haec tamen debilitat, plethoram auget, adeoque caute admodum est imperanda. Lenia tantum diaphoretica exhibenda, qualia sunt decoctum lignorum in aqua calcis*. Convenit quoque

* Manning on fluor albus.

que indusium laneum induere; sed violenta diaphoretica periculo non carent, scilicet, quia canceribus, &c. locum prae-bent, quum corpus nimis calefaciunt.

Diuretica etiam utilia sunt, minuendo quantitatem humorum, et eorum fluxum ad renes avertendo. Quum fluor albus pertinax est, et temperamentum adeo debilitatum, ut non ferre possit incrementum evacuationum naturalium, tunc exinanitiones artificiales commode substitui possunt, et imprimis fetacea et fonticuli.

Cibus nutriens fit, et simul concoctu facillimus. Farinaria cum ovis mixta huic intentioni respondent. Incrassantia utilia sunt, quando fluor albus a tenuitate fluidorum oritur.

Si vero omnia medicamenta jam praedicta inefficacia fuerint, salivationem lau-

D

daverunt

daverunt multi. Sed (me iudice) praeſtat mercurium parvis doſibus, et intervallis convenientibus, adhibere, propter debilitatem corporis in hoc morbi ſtadio tam inſignem.

Oleoſa omnia, nec non ſpirituoſa, fermentantiaque, aut aceſcentia, cane pejus et angue vitanda ſunt.

Permittendus autem caute, et exigua quantitate, uſus vinorum fortium, et in acorem minime proclivium, qualia ſunt vinum Luſitanicum rubrum, vinum Ma-deirenſe, et ſimilia.

Multum prodeſt, ad tollendam ſeroſam uteri evacuationem, mulierem ſuum infantem alere.

Nihil autem his remediis proficitur, niſi cauſae excitantes, jamjam recitatae, ſedulo evitentur.

Si quid in hac differtatione notatu dignum, id totum illustrissimis in Academia Edinenſi Medicinæ Profeſſoribus acceptum refero: Quibus, ob innumera in me beneficia collata, grates debitas perſolvo.

Complures gentis Scoticae quoque alii ſunt, quorum amicitiam ſaepe expertus, animo grato ſemper reminiſcar.

F I N I S.

